

HOLY SEE PRESS OFFICE  
OFICINA DE PRENSA DE LA SANTA SEDE



BUREAU DE PRESSE DU SAINT-SIEGE  
PRESSEAMT DES HEILIGEN STUHLS

# BOLETTINO

SALA STAMPA DELLA SANTA SEDE

N. 0472

Giovedì 10.08.2000

## LETTERA DEL SANTO PADRE AL LEGATO PONTIFICO ALLE CELEBRAZIONI DEL MILLENNIO DI SANTO STEFANO D'UNGHERIA (BUDAPEST, 20 AGOSTO 2000)

### LETTERA DEL SANTO PADRE AL LEGATO PONTIFICO ALLE CELEBRAZIONI DEL MILLENNIO DI SANTO STEFANO D'UNGHERIA (BUDAPEST, 20 AGOSTO 2000)

In data 23 marzo 2000, il Santo Padre ha nominato l'Em.mo Card. Angelo Sodano, Segretario di Stato, Legato Pontificio alle celebrazioni del Millennio di Santo Stefano di Ungheria.

L'Em.mo Cardinale sarà accompagnato da una missione composta da:

S.E. Mons. Karl-Josef Rauber, Nunzio Apostolico in Ungheria;

S.E. Mons. István Seregély, Arcivescovo di Eger e Presidente della Conferenza Episcopale Ungherese;

S.E. Mons. Szilárd Keresztes, Vescovo di Hajdúdorog;

Rev.mo Mons. Timothy P. Broglio, Consigliere di Nunziatura presso la Segreteria di Stato; Rev.mo Mons.

Timothy P. Broglio, Consigliere di Nunziatura presso la Segreteria di Stato;

Rev.do Dom Adam Somorjai, O.S.B., Officiale della Segreteria di Stato. Rev.do Dom Adam Somorjai, O.S.B., Officiale della Segreteria di Stato.

Pubblichiamo di seguito la Lettera Pontificia al Cardinale Legato:

Venerabili Fratri Nostro  
**ANGELO S.R.E. CARDINALI SODANO**  
Secretario Status

Hungariae Christifidelibus Magnum Iubilaeum Anni MM peculiare momentum adfert eosque singulari gaudio replet: dum enim una cum universo Ecclesiae grege alterum celebrant millennium a Redemptoris ortu, primum etiam recolunt millennium ex quo sanctus Stephanus diadema accepit a papa Silvestro II, Decessore Nostro fel. rec. Primus ille Hungariae rex in subditis regendis iustus, pacificus et pius, vitam Ecclesiae maxime fovit praesertim legibus Dei obsequendo atque subiectorum suorum bonum quaerendo; sicut accepimus, die XX proximi mensis Augusti sollemnes in Hungaria agentur ritus ad eiusmodi celebrandam memoriam. Quapropter Venerabilis Frater Noster Ladislaus S.R.E. Cardinalis Paskai, Archiepiscopus Strigoniensis-Budapestinensis atque Hungariae Primas, nec non Venerabilis Frater Stephanus Seregély, Archiepiscopus Agriensis et Conferentiae Episcopalis Hungariae praeses, poposcerunt, nomine etiam cunctorum istius Nationis sacrorum Pastorum, ut ad personam Nostram illic gerendam sacer Praesul constitueretur, qui Nomine Nostro ritibus praeesset celebritatibusque tanto eventui convenientibus.

Ad te quidem, Venerabilis Frater Noster, qui proximus es cotidianaे Nostrae operae adiutor atque artis coniungeris vinculis cum nobili Hungarorum Natione, Nostram admovemus cogitationem Nostrumque animum. Idcirco harum Litterarum vi te designamus Legatum Nostrum, mandatis tibi factis, ut memorato die sacris in Hungaria celebritatibus praesis nomine Nostro utque, Nostris pastoralibus sensibus fidelibus ibi congregatis humaniter renuntiatis, communem exspectationem plane expleas. De Magno anni MM Iubilaeo loquens, omnes hortaberis ad spiritalem vitam renovandam adque testimonium fidei, sancto Stephano intercedente, rite praestandum.

Dum per Te consalutamus Venerabilem Fratrem Nostrum Ladislauum S.R.E. Cardinalem Paskai atque sacrorum Antistitem Stephanum Seregély, quos diximus, ceterosque Praesules et universum clerum ac Hungariae populum, pro certo habemus illos omnes renovato animo cunctas vires suas in opus novae evangelizationis impensuros esse.

Munus tuum, Venerabilis Frater Noster, magni sane ponderis considerantes, peculiaris benevolentiae Nostrae pignus Apostolicam Benedictionem peramanter impertimus Tibi universisque celebrationum participibus.

Ex Aedibus Vaticanis, die XXIX mensis Iunii, anno MM, Pontificatus Nostri altero et vicesimo.

IOANNES PAULUS II

[01666-07.02] [Testo originale: Latino]

---